

SACROSANCTI
ET OECUMENICI
CONCILII TRIDENTINI,
SUB PAULO III.

JULIO II. ET PIO IV. PONTIFICIBUS

MAXIMIS CELEBRATI

CANONES ET DECRETA.

ACCESSE-
RUNT DUORUM ERUDIT.

*D. Joannis Sotealli Theologi, & Horatii
Lacii I. C. utilissima annotationes.*

BULLIS ETIAM PII IV.

PONTIFICIS MAXIMI

AD CALCEM ADIECTIS.

HISPALI.

Typographia Hispana, & Latina Didaci Lopez de
Haro, in Vico Genuensi.



DESCRIPITIO
TRIDENTINÆ
CIVITATIS.



TRIDENTI Civitas in finibus Vene-
t. e. Provinciae inter montes in pla-
nicie posita est; muris vallata la-
pideis, quam ex Septentrione abluit
Atbesis fluvius, ambitus milliarius
Itali. In ea vias latas & lapidi-
bus structas, domos verò ita hono-
rificas cernes, ut novam, non ve-
terem civitatem præferat; Tem-
pla satis pulchra conspicias, sed in omnibus ijs parum struc-
turae. Arcem habet conspicuam, ut domum auream dicas
potius, & quam possint & Imperatores & Reges percom-
modè inhabitare, à Bernardo Clesio Trid. Præside auctam,
& illustratam non multos antebac annos. Infruit placide in
urbem per muros ab Oriente aquæ rivus, superque aedificia
sericea, & molæ frumentariae multæ sunt, unde item pluri-
mi rivuli deducuntur per medias vias in usum & publicam
commoditatem. Super Atbesim, ad portam quæ dicitur S.
Laurentii, pontem habet magnificum, sed ligneum 140.
passuum longitudinis. Montes circum se habet nivibus con-
tinuè obsitos, scopulosos, inaccessos, præcipitos, & ita præal-
tos, ut dicas cælum montium cacumina contingere. Fauces
habet duas, quarum altera vergit ad Septentrionem, altera
verò ducit Veronam. Planiciem admodum parvam, sed ri-

BULLA INDICATIONIS
SACRI OECUMENICI
ET GENERALIS
CONCILII TRIDENTINI

SUB PAULO TERTIO PONT. MAXIM.

PAULUS EPISCOPUS, SERVUS SERVORUM
Dei ad futuram rei memoriam.



INITIO nostri huius Pontifica-
tus, quem non ob merita no-
stra, sed propter suam mag-
nam bonitatem, Dei Omnipoten-
tis providentia nobis com-
misit, cernentes iam tum in-
quas perturbationes tempo-
rum, quotque incommoda re-
rum fere omnium nostra Pa-

storali sollicitudo & vigilia esset vocata; cupiebamus
quidem mederi Christianæ Reipublic. malis, quibus
illa iamdudum vexata, & propemodum opressa est: sed
ipsi etiam, ut homines, circundati infirmitate, ad tan-
tum onus tollendum impares vires nostras esse sentieba-
mus. Nam cum pace opus esse intelligeremus ad libe-
randam & conservandam à plurimis impendentibus
periculis Remp. omnia invenimus odiis & dissensionibus

SESSIO PRIMÆ

SACROSANCTI OECUMENICI
& Generalis

CONCILII TRIDENTINI,

SUB PAULO III. PONT. MAX.

CELEBRATA

DIE XIII. MENSIS DECEMBRIS ANNO
Domini MDXLV.*Decretum de inchoando Concilio.*

PLACETNE vobis, ad laudem & gloriam sanctæ & individue Trinitatis, Patris, & Filii, & Spiritus sancti, ad incrementum & exaltationem fidei, & religionis Christianæ, ad extirpationem hæresum, ad pacem & unionem Ecclesiæ, ad reformationem Cleri & populi Christiani, ad depressionem & extinctionem hostium Christiani nominis, decernere, & declarare, sacrum Tridentinum & generale Concilium incipere, & inceptum esse *Respondarunt*, Placet.

Indictio futuræ Sessionis.

ET cum proxima sit celebritas Nativitatis Domini nostri Iesu Christi; & subsequantur aliæ festivitates labentis & incipientis anni; placet ne vobis primam futuram Sessionem habendam esse die Iovis post
Epi-

O R A T I O

HABITA IN SESSIONE NONA ET ULTIMA
SACRI CONCILII TRIDENTINI,

Celebrata duobus continuis diebus, tertia & quarta De-
cemb. M.D.LXIII. sub Pio IV. Pont. Max.

*A. R. P. D. Hieronymo Ragazono Veneto, Episcopo Nazianzeno,
& Coadjutore Famaugustano,*

Hic summam recensentur omnia in Concilio Triden-
tino definita, quæ & ad pie credendum, & ad
bene vivendum pertinent.

A Udite hæc omnes gentes, auribus percipite omnes
qui habitatis orbem. Tridentinam Concilium iam
diu coeptum, aliquando intermissum, distractum variè
atque divulsam, nunc demum, singulari Dei omnipo-
rentis beneficio, summa atque incredibili omnium ordi-
num ac nationum voluntate connectitur atque perficitur.
Dies hæc quidem felicissima Christiano populo illuxit,
in qua templum Domini disturbatum frequenter, ac dis-
sipatum reficitur, & absolvitur: & navis hæc una bono-
rum omnium ex maximis ac diuturnis turbinibus atque
fluctibus tuta in portu collocatur: quam utinam conscen-
dere nobiscum ij voluissent: quorum in primis gratia hæc
ipsa navigatio instituta fuit; atque ædificii huius conf-
truendi participes existerent, qui hoc nobis negotium
exhibuerunt; maioris nunc profecto lætitiæ causam habe-
remus. Sed nostra id certè culpa non accidit.

Nos urbem hanc in Germaniæ faucibus, id est, in do-
mus illorum ferè limine positam elegimus: nos custo-
diam nullam nobis, ne suspicionem illis aliquam minùs
liberi loci dæremus, adhibuimus: nos eam fidem publi-
cam illis concessimus, quam sibi ipsi composuerunt: nos
hic illos per diu expectavimus; neque hortari, ac rogare
numquam destitimus, ut ad veritatis lucem cognoscen-